




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
449/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
449/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
449/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
449/A

K


Q 23

449/A

A XIX. Ari



Gift of this from some piece, of the same
with some of the same





PROBLEMAT.

Fragstück Aristotelis!

Auicenne! Galeni vnd Alberti Mag-
ni. Darin menschlicher vnd thierlicher natur eygen-
schaften durch frag vnd antwort/ Auch mancherhandt artzney-
en/den menschen zu gut/furtz angezeygt werden. Tzunt.
von newem gemert/gebessert/vnd das onnütz heraus
getilcht durch D. Apollinarem.



Strassburg beim Jacob Camerlan.



Problemata Aristotelis/ darin thierli
cher vnnnd menschlicher Natur eygenschafften durch
frag vnd antwurt in kurtzem angezeygt/ sampt
mancherhandt artzneien den menschen dienst
lich vnd güt.

Cap. i. Vom haupt vnd har der menschen.

DWersten mal wirt gefragt/ Warumb
das sei/ als Galenus spricht/ Das vnder
allen thierlen allain der mēsch das antlitz
gen himel geschickt vnd gewendt hat. Boe
tius im letzten Büch de cons. Philosophie
antwurt/ Vnder allen thierlein so ist der mensch al
leyn zu dem himelreich geschickt/ das erzeygt er mit sei
nem auff gerechten antlitz/ damit er Gott emsigliche
soll erkennen.

Warumb hat die Natur dem haupt har gebē. Con
stantinus spricht/ Das har sei ein zierd des haupts vñ
wächst von der feuchtigkait des hirns/ das da trucken
ist vom außern lufft/ wā das har noch vil mer truck
en ist dā das bain/ das bewert Albertus/ Das bain
laßt sich verdawen/ aber das har dewet sich nit.

Warumb haben die menschen lengers har dann die
thierlen/ Antwurt Aristoteles im andern büch von dē
thiern. Der mensch vnder allen thierlen hat das grōß
hirn in seiner maß/ vnd da vil feuchtes dunst außgat/
darumb in mer har außghat vnd wirt.

Warumb haben die frawen lenger har dā die mañ.

Al is

Albertus spricht/ Die frawē seint feuchter natur dan
die mañ/ wañ sie der feuchtigkait mer im hirn haben/
vnd die har wachsen in allermeyst so sie ir gemaine zeit
leiden/ vnd darumb haben sie lenger har / wañ sie nits
bart haben.

Warumb haben ettlich menschen herts har vnd etts
lich waichs. Aristoteles spricht im vorgeschribnen
buch/ das har vnd die haut gleicht sich zusamen / wañ
die haut hert ist/ so ist auch das har hart/ ist sie waich/
so ist das har auch waich. Welche menschen aber dz ele
ment des feners mer haben/ die haben hert har / als
der Beer vnd das wild schwein/ Auch seint sie künner
dan ander man. Welcher mensch oder thierlein des ele
ments wasser mer haben/ die haben waich heut/ waich
he har vnd woll/ die seint gemeinlich forchtsam als dy
weiber.

Warumb haben ettlich leut roth har / vnd ettliche
schlechtes. Aristoteles gibt dise vrsach. Das roth har
ist ein vermengung des feners vñ des erdtrichs / wañ
der dunst des feners vnd der hitz zeucht sich auß dē hau
pte/ vnd schwingt sich auff in die höhe/ vnd der dunst
des erdtrichs der gemischt ist mit disem/ der schwinget
sich nider von den zweien widerwertigen dingen / als
so wirt das har roth. Aber die flachen har werden von
dem dunst/ die gleich abwertz auß dem hirn ghen. Des
haben wir eyn vzkundt / die frawen haben all flaches
har/ durch der vbrigen feuchte willen.

Warumb wechset ein erhencken das har. Ir leichnam
hancket an der Sonen vnd macht die feucht des haupt
es zu einem dunst/ dauon das haar lenger wirt.

Warumb ist der bart herter dan das ander har / vnd
je

semer man in abschirt seherter er wirt. Aristoteles ant-
wurt/ Je mer mann von der feuchte hindan nimpt/je
mer die selb hin zū macht/darumb je mer man dē bart
schirt/je mer sich die feucht der dūnst hin zū macht/vñ
den bart bertet.

Warum seint die frawen nit als rauch wie die man/
Aristoteles antwurt im bñch der Thier/ Das die mas-
teri der feuchtigkait vñd der vberflüssigkait da dz har
auswechsft/die wirt alle austriben mit der feucht die
die frawen haben. Des eyn vrkundt/wañ die frawen
selten eyssen oder geschwer haben/wañ sie sich rainigē
mit ihrer feuchte.

Warumb gewinēn etlich alte weiber nach fünffzig
jaren bert. Aristoteles antwurt im ix. bñch von dē thi-
erlein/vñd desgleichen Auicenna. Ist darumb das sy
ir feuchte nimer haben als vor/vñd weil die feucht nitt
mer fleußt/gewinnen sie bert.

Warumb werden alleyn die menschen greiß. Aristot-
eles antwurt im andern Bñch de gen. Wañ des men-
schen haupt siecht/so muß das har auch siech sein/vñ
darumb wirt das har graw. Es ist vor geschriben/dz
der mensch in seiner maß das grōste hirn hat weder an-
dere thierlein/das wirt nu in den alten kalt/dweil inē
die werme entgangen/vñ die feucht des hirns nit mer
verdawt/darumb die feucht faul wirt vñd weiß/des-
halbē wirt das har graw. Aristoteles spricht/Etlich
werden greiß vom siechtagen.

Warumb werden die wölff greiß. Albertus spricht/
Die wölff seint gar geytzig thier/wanner ist auff ein
tag das er drei genug hat/das essen bleibt vñgedewē
im magen vñd fault/darumb werden die har graw.

A iij

Warumb werden die menschen kal oder glazet. Aristoteles antwurt. Vmb dieser sach verliren auch die baum jr blüß. Wan die feiste feuchte zwischen haut vñ dem haupt verzert wirt/ so mögen die har nimer wachsen. Auch werde alle keusche lewt nit kal oder glazet. Des haben wir ein vrsach an den verschnitten thiern/ sie behalten das best inn irer natur/ das sunst von der vnkeuschaft verzert wirt/ vnd die natur geschwecht.

Warumb werden die weiber nit kaal oder glazet. Aristoteles antwurt/ Die weiber haben vil feuchte vñ kelt/ die feucht ist ein narung der har/ vnd die kelt verstopfft die dem flöcher der haut/ wan die vast offen sein so wachsen die har daruon.

Warumb wann sich die menschen oder die thierlein feuchten/ so stoben jnen die har. Aristoteles spricht/ In der zeit verschleußt sich die werme in ihnen/ also dz die dem flöcher in der haut da die har außwachsen von der werme verdemfft werden/ vnd von dē dampff strecken sich die har.

Warumb hat Gott vnd die natur das haupt scheibelecht gemacht. Aristoteles spricht in Lib. de Celo vnd mundo. Das die scheibelecht schickung vnder den alle am füglichsten ist/ darumb dem haupt fügßam/ wan es alle sinn in ihm verschlossen hat.

Warumb ist das haupt hert. Darumb das das hirn beschirmbd werd.

Warumb thüt dem menschen oft das haupt wee. Constantinus spricht/ Vnderweilen erheben sich die nassen dünst auß dem magen auff in das haupt/ vnd laidigen das haupt vnd gesicht von vngedawter kost/ vnd die menschen die nit eyner güten natur seint die
wer

werden tobsüchtig/vnd auch schlaffgichtig dauon.

Cap. ij. Von der nasen vnd augen.

Warumb haben die menschen ein nasen vnd zwei augen. Der augen bedarff man baß zū dem gesicht dan̄ zwo nasen zūm schmecken / darū̄ hat die natur zwei augen gebē / ob eins verdürbe das man mit dem andern gesehe / vnd sich dan̄ alle krafft in das ein aug legte.

Warumb haben die kinder grosse augen vnd im̄ alter werden sie klain. Aristoteles spricht / das sei durch der grossen feuchtigkeit willen des hirns / dauon seint die kindt̄res haupts ongewaltig / dauon schlaffen sie auch vil.

Warumb zehren die augen wañ man vast trincket oder lacht. Wañ der mensch trincket / so laufft der lufft auff in die augen / dan̄ sie die weil durch den troffel nit auß mögen / vnd betrüben die augen.

Warumb die vil weinen harnen wenig. Die zehren vnd harn seint einer natur / des̄ haben wir dise vzkünd / sie baide seint bitter vnd gesaltzen / nagen vnd fretten warauff man sie geust / wer dan̄ vil waint / der hat des̄ harns dester minder.

Warumb langt die naß für das antlig. Die naß ist ein vorhaus̄ des̄ hirns / als ein priuet damit man dē vnflat außwirfft / darumb hat sie die natur lenger gemacht. Constantinus spricht die auff geschlossen naß sei ein gezierd des̄ gantzen angesichts.

Warumb schmeckt der mēsch vnder allen thieren am aller minsten. Temestinus spricht im̄ andern bñch der seel / Der mensch hat das aller süchtest hirn vnder alle thie

thieren/vnd auch das gröst/die selb feucht hindert die
tugent des schmeckens/ Aber andere thier schmecken
baß die minder hirn haben/vnd die seint truckner/als
der spürhundt/vnd der Geier schmeckt vber zehen mei
len ein aß.

Warumb hat die Natur die naslöcher gebē. Durch
dreierley nutz wegen. Der erst/wañ wir den mundt zū
thun/so zihen wir den kalten lufft zū dem haissen hertze
en/das wirs külen. Der ander/wañ der athem auß dē
mundt ertwañ schmeckt von der bösen feuchte die da
verborzen leidet im magē/so ghat der athem durch die
naß/so trucknet er mer/das er nit so vast schmecket.
Der drit nutz/das mann auß den naslöchern den vn
flat wirfft.

Warumb niesen die menschē. Galenus spricht/ein
tugent in der Natur heist der Treiber/die begert das
hirn mit dem niesen zū reinigen/als die lung purgiert
wirt mit hūsten/Lewt die vast niesen die haben starck
hirn/die aber nit mögen niesen/vnd dē das haupt wee
thūt/das ist ein zeychen das sie nit lang leben.

Cap. iij. Von den Oren.

Warumb bewegen die menschen die oren nit. Ga
lenus spricht. Es ist ein kleins aderlin bei der keit
das weret das rüren/wañ mans auffthet so rürt
der mensch die oren.

Warumb briffst man ein künfftigen regen/wañ der
esel die oren regt. Der esel hat des elements des erdtri
ches allermainst/bezeychnet vns sein treg/wañ er des
lugts enpfindt/so streckt er die oren.

Cap. iij. Von dem mundt/lebsen vnd zenen.

War

Warumb haben die mañ nit brüstlein. In den man-
nen ist nit der lauff der feuchtigkeyt den die frawen an-
in haben/dauon die milch kompt. Tu möcht mañ fra-
gen/ Ob die kleyne brüstlin besser zū der narung den
kindern seien dan die grossen. Da spricht Aristoteles/
Mit die grossen/dan in den ist die wörme gebrait vnd
gestrait/das sie kein güt dawung macht. Auch nicht
die klainen/darinn ist wenig bluts. Aber die weder zū
kleyne noch zū gross seint/die seint den kindern nütz.

Warumb wachsen vnd geschwellen den juncfrawen
die brüstle wan sie ghant in das 13. jar. Aristoteles ant-
wurt primo de anima/ Dan werden die juncfrawen
manneßsig/vnd jr gemain feuchte hebt an zūfliessen/
vnd an den mannen jr sam.

Warum wan ein fraw ein sun tregt/ so ist jr die rech-
te brüst herter dan die linck/ tregt sie aber ein tochter/
so ist jr die linck herter. Ipcrates spricht/ Die kneblin
werden empfangen in der rechten seiten/dauon so legt
sich das blut menstruum in das recht brüstlin/vn ma-
cht das herit. Zū gleicher weiß wirt das meydlin em-
pfangen in der lincken seiten/so legt sich das menstru-
um in das linck brüstlin/damit mag man wol brüffen
wa ein fraw ein knaben oder ein maidlin tregt.

Warumb hat ein fraw nür zwey brüstlin/vnnd ein
ander thier acht oder neun. Ein fraw tregt gewonlich
ein kindlein/zū zeiten zwei/darzu hat sie brüst genüg/
aber ein saw wirfft acht oder neun ferlin.

Warum seint den frawen die brüst hart wan sie tra-
gen. Menstruum fleußt in die brüst/vnnd an die statt
da das kindt empfangen ist/darumb die frawen etts
wan jr gemaine feuchte nit haben/es hat sich zūm kin-

C

delin vnd brüsten gelegt/das es nit fließen mag/Vnd
da bei mag man habē ein ware erkantnuß/ob die fra-
wen schwanger seint oder nit.

Warumb ist die milch dick vnd ineinander nit bekle-
big/wan die frau ein kneblin tregt/aber wesserig vnd
flüssig so sie ein maidlin tregt. Aristoteles spricht/
Ein frau die ein maidlin tregt/hat wenig werm/dar-
von bleibt die milch vngedewt vnd wesserig/Leg sie
auff ein wasser so schwimmet sie oben/Aber die vō kneb-
lin ist wol gedewt vnd fellt zū boden/darbei merck/ob
ein frau ein kneblin oder maidlin trag.

Warumb werdent den frauen die brüst weich wann
sie beschlafen werden. Das menstruum legt sich drin/
vnd zeucht sie nider.

Warumb haben die küw mer milch dan andere thier
Von vbriger narung ist/sie seint fressig.

Warumb ist die milch ongesund. Ipcrates spricht/
die milch gerint oft im magen/so wirt sie giftig/vnd
macht dem menschen ein schmeckenden athem. Isaac
spricht/Wann sol den dritten teyl regenwasser darzu
nemen so schad sie nichts. Auch ist sie darumb onges-
fundt/das sie ettwan saur wirt im magen als essig/
das ist gar ongesund vnd schedlich.

Warumb ist die milch dem haupt ongesund. Ipo-
crates spricht/Milch von der natürlichen werme ver-
wandelt sich in ein bösen dunst/der trucken ist als das
erdtrich/vnd belaidigt das haupt.

Warumb ist die milch den kindern gesund. Sie ha-
ben jr gewont.

Warumb seint die fisch auff die milch ongesund/vñ
gern den menschen außsatz bringt. Sie seint bald kal-
ter natur.

Warumb haben die lewt den ruck en. In ruck en sein
adern vnd das marck / die ein bewegung vnnnd krafft
des gantzen leichnams / vnnnd auch des gantzen leich-
nams inern glider von dem ruck behüt werden / als der
magen vnd leber. Auch ist der ruck ein grunduest aller
ba in die darin gepflantz sein.

Warumb ist es schedlich auff dem ruck en ligen. Es
bringt dem menschen mancherley Franckhait.

Warumb haben ettlich lewt den blütfluß. Die selbe
haben natürlich des erdtrichs zu vil / seint kalter vnnnd
schwerer natur / vnnnd zum ersten mal samlet sich das
blüt im milcz / vnd wirt so vol das es das blüt nit gehal-
ten mag / so wirt dan das gelassen als in ein dunst / der
durchschwizet im ruck in zwey aderlein / die ghant an
im leib vnd thunt sich dan auff / so fleußt das blüt auß
dem leib als die feucht der frawen / Vnd den selben ist
der fluß güt vnd nütz für die wassersucht vnd außsatz /
auch sunst mancherley siechthumb.

Wauon haben die Juden den selben fluß alle monat.
Wann spricht nach der hailigen geschrifft / das solchs
die rach Gottes mach / da sie schrien wider Pilatum /
Sein blüt vber vns vnd vnser kinder. Aber die mai-
ster der natur sprechen / Die Jude essen wasserige kost /
dann inen vil guter kost in der alten ehe verbottē was.
Daruon wirt auch das blüt onrain / das durchs aders-
lin von ihng hat. Vrsach / die Juden seint nit in gro-
ßer arbeyt / das sie die kost mögen verdawen / Auch sint
sie nitt frölich noch inn gemeynschaft der menschen /
dann sie zu aller zeit in forcht leben / die sach bringt inē
ein grosse kelte / das sie die kost nit dawen mögen / vnd
muß von ihnen fließen.

C ij

Warum ist die lung lufft od hol als ein badschwamm.
Darumb das die lufft deſter baß darin auffent
haltung haben mgen/ vnd das hertz dauon ge
kult werden mag. Aristoteles spricht/ das die lung sey
als ein badschwamm/ der die lufft zeucht vnd ablaßt.

Warumb das die thier die da kein hertz haben/ habē
auch nit blasen. Den selben thieren ghat das essen inn
das trincken/ darumb brüntzen sie auch nit.

Warum ist das hertz mitten in den thieren. Darum
das es allen glidern das leben einflößt.

Warum ligt das hertz dē menschen alleyn in der lin
cken seiten. Darum das die kelte deß milzges von der
wörme deß hertzens gewermet wirt/ wañ es auch inn
der lincken seiten ligt/ vnd dem erdtrich gleich trucken
vnd kalt ist.

Warum vnder allen glidern quickt sich das hertz am
ersten. Aristoteles spricht/ Das hertz ist ein vrsprung
aller glider/ vnd on das hertz kein ander glid lebē mag.

Warum seint die thierlein kün die klain hertz/ vñ die
groß hertz haben forchtsam/ als der haß vnd die wölff.
Aristoteles spricht/ die klainen hertz haben vil der na
türlichen werme/ vnd hebt sich zū samen/ vñ das blut
wirt von der gall zū dem hertzen gezogen/ wirt schier
entzint/ schlecht in die andern glider/ vnd wañ sie also
erhitzt werden/ so wirt der mensch kün. Aber die wer
me in grossen hertzen/ die strewt vnd brait sich/ vñ das
blut so von der gall fleußt mag das hertz nit hitzigen/
dauon kumpt dann die forchtsamkeit.

Warum regt sich das hertz emsiglich. Galenus sagt
im

büchlein das Egidius gemacht vom Puls / Die dünst
die da seint in des hertzen blüt / dy vil subtiler seint dafi
die lufft von des hertzen hitz / die selben dünst braiten
sich in die winckel des hertzens / vnd bewegen das hertz
hin vnd her.

Warumb ist das hertz ein anfang des lebens. Im her
tzen wachsen die dünst vnd geyst des lebens / vnd auch
des hertzen blüt / das ein grundt fest ist des lebens. S.
Augustinus spricht / Das hertz hat zwen beuch / in de
rechten ist des blüts mer / aber im lincken ist der dunst
der auß dem blüt reucht.

Warumb haben ettlich thier kein hertz / als die ays
deckes / die nater / vnd auch ettlich fisch. Sie habē aber
im rucken bainen aderlin / da ligt marck innen an des
hertzen statt / wañ das nach der leng getailt wirt so ist
die natur zūhandt todt.

Warumb ettlich thier die kein hertz haben / die habē
auch kein blüt / als die bienen vnd fligen. Das hertz ist
ein vrsprung des blüts / wañ aber der vrsprung nit ist /
so ist auch der brunn nit.

Warumb ist der magen waich. Aristoteles spricht /
Recht wie man das essen in ein haften seud / vñ schait
det das lauter von dem onlautern / darumb zū gleicher
weiss hat in die natur durch essen willen waicht gema
chet.

Warumb ist der magen scheibelecht. Constantinus
spricht / Dett der magen winckel / so legten sich darinn
die bösen dünst / vnd wer der mensch nimer on feber.

Wa von demt der magen. Aristoteles spricht / Von
der grossen werm die von dem hertzen vñnd leber ghat
in den magen / teylt das süß vnd güt des essens in das

C. iij

blüt/vnd das grob in die derm / als das fwer lnn der
schmitten thut/teyle den sinter von dem eisen.

Cap. X. Wie man sich mit dem essen vnd trincken
halten sol.

Warumb leiden wir etwan frost nach der kost. Da
rumb das die werme von allen glidern ghat züm
magen/das sich das essen dawet/mit dem bleibē
die außsern glider kalt.

Warumb sol man nit zühand nach essens studiren/
schreiben oder lesen/wañes schad ist. Aristoteles vnd
Alicenna sprechen/ So die werme verzert wirt durch
den fleiß der lernüg oder arbeyt / so mag sich das essen
nit wol dawen/vnd bleibt das essen roh im magen.

Warum begeren die schwangern frawen am ersten/
am andern/am dritten zc. züessen kol vud laimen. Co
stantinus spricht/ In den schwangern frawē seint fül
nuß vnd onreyn dünst/in kumpt die begird des essens
vnd trinckens von dem magen / da begert die schwan
ger fraw ein solch onrain ding zü disen zulegen.

Warumb kumpt der durst. Aristoteles spricht/wañ
der mund des magens von vbriger hitz außgetruckt/
so wirt den menschen dürsten.

Warumb kumpt der hunger. Alderlin gond inn ma
gen die schlahent all zeit/vñ wecken begird züessen.

Warum dewt der magen feyst flaisch langsam. Con
stantinus spricht. Das fleysch hat des luffts züvil/vñ
schwimt oben im magen/vnd die best dawung geschis
cht im grundt des magens.

Warum wann der mag nit gesundt ist / so seint alle
glider siech. Constantinus spricht / Der magen ist ges
schickt züm hertzen vnd leber/dauon wañ die dawung
des

des magens gehindert wirt/welch die erst ist/ so werde
auch alle glider gehindert.

Warumb hungert die jungen lewt balder vñ vester
dan die alten. Galenus vnd Ipocrates sprechen/ Das
die jungen bedörffen dreierlei essen. Das erst dauon sie
wachsen/ das sie dauon leben / Darumb hungert die
jungen balder dan die alten. Die dritt vrsach/ Die jün-
gen haben mer werme.

Warumb gebietet die artzt dem menschen/ wann
er hungert/ so soler zühandt essen. Auicenna antwurt/
Der magen so nüchtern vnd hungerig ist/ zeucht zü
die böse feuchtigkait an des effens statt. Des haben
wir ein vñ kundt/ so wir des nachtes fasten so hungert
vns/ aber des morgens so wir aufsthan/ hungert vns
nit/ darumb das der magen voll ist worden der bösen
feuchtigkait.

Warum sol der mensch nit zür fülle essen. Auicenna
spricht/ Würde der magen zü vol/ so schwem die speiß
oben/ das dan gar schädlich wer. Ein ander vrsach/ zü
gleicher weis/ als vil grünes holtz das feuer dempfft/
also vil grober speiß dempfft die natürlich werme.

Warum essen die lewt zü besundern zeiten im jar be-
sunder essen/ im winter ochsenfleysch vnd küw fleisch/
vnd im Sommer kalb fleisch vnd castran. Ga-
lenus spricht/ Das sich der menschen natur vnd com-
plexion verwädelt nach der zeit des jars. Vrsach. Im
winter seint die bech fleyner dan im Sommer von der
felte die den bach ombgibt/ vnd die werme im mensch-
en verschricket.

Warum sol der mensch nit gar haiss kost essen/ pfeffer
imber

timber/knobloch. Das gar heiß essen machet vbriges
blüt/dauon der mensch möcht außserzig wrrden.

Warumb soll die kost nit gar kalt sein/als salat vnd
peterlin. Dasselbessen tödt die natur.

Warumb sol das essen nit gar versaltzen sein/als dy
bering. Das saltz brent die natur/vnd macht den men
chen vast trincken/das bringt ongesundhait.

Warumb ist gut trincken auff die kost. Das trinckē
temperirt vnd macht süglich die kost züm darwen. Ein
vzkundt haben wir. Wan ein hafē vol krauts ist/vnd
hat kein wasser/so brünt das kraut an/vnd bricht der
hafē gern/Sügllicher weiß ist vnser magen geschickt
als ein hafē/darumb rhaten die Artzt/mann soll vff
die kost trincken.

Warumb ist ein spatessen ongesundt/mañ ergang
sich danndarnach. Dasselbessen ghat in grundt des ma
gens/vnd bleibt ongedewet/das ist gar schedlich.

Zu wil wasser trincken ist ongesundt. Dan vnder al
len Elementen ist das aller kelttest/vnd wan es emsig
lich getruncken wirt/so kelt es den warmē magen/vñ
hindert die dewung.

Warumb macht der gemischt wein mit wasser den
menschen ehe truncken dan der ongemischt. Auicēna
spricht/Das wasser im wein kalt vnd subtil/feucht dy
glider/wan das wasser feuchter ist dan der wein/also
das sich des weins subtiligkait truckt in die glieder vñ
in das haupt/vnd ist war so ferz der wein gut ist.

Warumb verbieten die Artzt/mañ sol nit bald nach
der kost arbeitten oder ghan. Ein vsach/die selbigar
bait macht das die glider das essen/das noch vngede
wet im magen an sich zihen/vnd vsach seint eins siech

ta

tagen. Die ander vrsach ist/das die selb bewegung die
kost auß dem magen treibt / vnd nit behalten werden
mag/spricht Aristoteles vnd Auicenna. Darumb sol
man sittiglich ghan nach dem essen/das sich die kost ei
gentlich setz in grundt des magens/wan dasselb die al
ler best dawung ist.

Warumb ist des morges vor essens gut spaciren gan
Auicenna spricht. Die selb bewegung gibt der natur
viel krafft. Die erst/das die natürlich werme gemeret
wirt/vnd die menschen dauon gekrefftigt werden/da
von gut stülgen gewinē. Auicenna spricht/Die mē
schen die sich nit üben zū der bewegung/vnd sichs doch
gewent haben/die fallent gern inn siechtagen oder en
macht.

Wauon kumpt der besch. Constantinus spricht/das
das sei von fülle der kost im magen / vnd sich gern seu
bern wolt/also dunst es in sichen mensche. Geschicht
es aber von trüctne des mages/der gar ertrüctet vn
vergift ist in bösen feuchtigkeiten. Vnd welcher also
beschet/ist ein war zeychen des tods.

Warumb sterckent die schleff den magen. Wann der
mensch wacht so wirt die werme verzert mit den andn
glidern/als mit dem gesicht vn andern/darin sich dan
die werme brait. Aber im schlaff so macht sich die selb
werme zūm hertzen vnd bauch / dauon danneyn gute
dawung wirt.

Warumb kumpt die kost ettwan ongedewet vn gätz
recht als sie gessen ist von dē menschen. Constantinus
spricht/ Ein jder mensch oder viech haben vier natür
lich krefftig tuget. Die erst/die bewegung/ Die ander
die dawung/Die drit/behaltung / vnd die vierd die vß

D

treibung/die das vberig austreibt von den mensche.
Ich sprich/welcher mensch nit behalten mag die kost/
so ist die tugent der natürlichen behaltung franck/vñ
mag die kost nit verdawt werden.

Cap. xj. Vom blüt/harn vnd gelächter.

Warumb ist das blüt roth wann es gedewet vñnd
gesotten wirt. Es ist von der natürlichen werm/
oder leber die auch roth/vnd das blüt von ersten
darin wechset.

Warumb haben die frawen schwertzer vñnd dicker
blüt dann die man. Durch kelt willē die ein ides feuch
te ding dick macht. Ein vrsach haben wir am wasser/
das von der kelten des schnees vnd des eiß dick wirt.

Wie kompt der harn in die plater/vñ die plater doch
nit zerbrochen ist. Ettlich meister sprechen/ Des brun
nes dunst schwigt hindurch. Egidius sagt anderst/
Es sei ein fleynes heutlin vnd ein hertes in der plater/
das macht den harn/wañ er bitter ist/vnd durch beißt
in der mit hinein/darnach thut sich dz heutlin wid zū.

Warumb macht das miltz das gelechter/die gall den
zorn/das hertz die weißheit/vnd die leber die liebe. Ipo
crates spricht/das miltz zeucht das grob blüt das erdt
rich ansich/da treum von kumen/vnd wañ es also ver
schlossen darin ist/so mag es in die außwendigen glies
der nit/so ist dan der mensch frölich/vnd von der selbē
sach bringt die gall den zorn/vnd die lewt so groß gal
len haben/werden gar bald zornig/dann sie haben des
elements des fewers zū vil.

Cap. xij. Wie schädlich oder gesundt Venus sei.

Warum ist die messig Venus den mañen vnd fraw
wen gar gesundt. Auicenna tertio Canonis/vñ
Cone

Constantinus in lib. de coitu sagē/ das der mensch da-
von gemert wirt/ Er wirt frölich/ vnd der zorn verge-
het dauon/ das haupt vnnnd sinn werden dauon gester-
cket/ vnd verzeert das böß geblüt deß erdtrichs/ vñ trei-
bet auß dē hirn den gesamleten dunst der vbrige feuch-
te/ vertreibt das vnrein geblüt zwischen haut vñ fleis-
che das zū schweren werden solt. Darum spricht Auicenna/
Der zū vil vnreynes pflegt dem werden die au-
gen finster/ gewinnt den schwindel/ dann dauon wirt
der sam giftig/ vnd was kinder empfangen werdē/ dy
werden gern aussetzig oder sterben sunst.

Warum ist die onmessig vñ die ongeordnet Venus
grosser schad. Auicenna spricht/ Es verderbt dz marck
vnnnd gesicht/ die aller besten klaresten feuchtigkaiten
auß dem gantzen leib/ bringt das feber der leber/ vnd
kürzet das leben. Das bewert Albertus vom spazgen
vnd spricht/ Wan er nach seiner art lebt/ so lebt er lāg/
Aber von vbriger vnkeusche wegen die er treibt/ so les Spaz lebt 37
bet er nit lenger dan drei jar vnd nit mer.

Warumb werden die frawen von Venus starck vnd
wolgefär. Aristoteles spricht/ Der haß sam von den
männern macht das.

Warumb schadt dem hitzigen vnd magern mensche
die Venus. Aristoteles spricht/ Die selben sint truckē
vnnnd werden von der Venus noch dürzer/ das sie oft
gewinnen die krankhait die schwinsucht.

Warum zimpt sich Venus denen so deß luffts odder
wassers zū vil haben. Auicenna spricht/ Die selbē ha-
ben deß samens zuvil/ von not muß er verzert werden.
Aristoteles spricht/ Der Igel hat kein samen/ wann
der sam in die bürst geht.

D ij

Warumb sol man mit vollem bauch nit Venus spielen. Aristoteles spricht/ Darumb das es weret vñ hindert die diewung.

Warum soll man nit Venus spielen mit lerē bauch/ Es frencket vast/ vnd macht den leichnam dürr.

Warumb sol man nach dem bad nit Venus treibē. Darumb das der leichnam klar ist/ vñ dinstlöchlin seint offen/ die werme den gantzen leichnam durch gāgen hat/ vnd das feber dauon gern kumpt mit frost.

Warumb ist Venus nach dem waichē stül gang gar ongesund. Aristoteles vnd Auicenna antwurten. Wa zwey feuchte mit einander geschehet/ ist gar schedlich.

Wan ist es am aller füglichsten. Constantinus vñ Aristoteles sprechen/ Wan die dawung geschicht nach mitternacht vor tag/ vnd darnach/ der schlaff ist auß der massen gesund/ Aber vor mitternacht sol sich eyner hüten.

Warum seint die thier grümlich so sie sich paren wölen/ als wir sehen an hirtzen/ beren vñ eseln zc. die da wütent vñ vmb lauffen/ als Constantinus vñ Ipoocrates sprechen. Darumb das alle glider sich gestreckt haben/ vñ die natur arbeit das vberig außzütreibē/ solchs erzörnt das geblüt/ vñ bringt den zorn/ aber zühant nach dem brünst werden sie milder. Das thlin die menschen nit/ das macht das sie vernünfftig vñ schemig seint/ aber er doch die weil baß geschickt ist zñ zorn dann ander mal.

Cap. xiiij. Vom samen vñ der frawen zeit.

Wuon wechst der sam des menschen. Aristoteles spricht/ von der dritten diewung der nahrung des

menschen abgezogen. Ein ander vrsach spricht Aristoteles vnd ander natürlich meister. Der sam wirt vō dem aller klaristen blūt das dem hirn abgezogen wirt in die nieren des menschen / vñd von der dawung so wirt es weiß.

Warumb ist des mans sam weiß vnd der frauē rot. Aristoteles vnd ander natürlich maister sprechē. Darumb das des mans bas gedewet ist vnd gekocht / so ist es weiß.

Warumb wirt der spigel malig vom gesicht der frauen / so sie die feucht haben. Aristoteles im bûch de somno et vigilia spricht / Es gewint der spigel rote mal / Von dem giftigen blūt wirt ein dunst / der ghat auff inn der frauen haupt / dauon thut ihn das haupt gar wee / also decken sie vil schlaier auff das haupt / vñ die augen vil dunstlöchlin haben / auß den der giftig düst rücht / derselb dunst giftigt die augen / vnd der nechst lufft beiden augen wirt vergiftt / vnd der lufft giftet die zū nechst bei jr seint / wañ der lufft den spiegel rürt / so giftet er ihn / vnd wirt malig.

Warumb haben die thier / die vōgel oder fisch nit die selbig feuchte. Aristoteles vnd Albertus sprechē / Die selb vberig feucht narung ghat den thiern in die bōrst / den vōgel in die federn / dem fisch in die schüpen.

Warum spricht man zū latin menstruum a mense. Das ist gesprochen vom monat / wann der selb fluß im monat ein mal fleußt. Aristoteles vnd Albertus sprechen / Der mon sei ein vrsach aller feuchte / vñ alle wasser wachsen wann der mon wechsť / vnd in seinem abnemen / nemen die wasser ab / vnd die fisch im meer.

Warum haben ertlich frauen die feucht lenger dan

D iij

sechstag / vnd etlich kurtzer. Die kalter natur seint /
die haben sie lenger / vñ die warmer natur seint die ha-
ben sie kurtzer.

Warumb geben die frawen auffetzig vñnd frans-
cke kinder / die empfangen in der selben feuchte / Dar-
umb das die materi giftig ist vnd onrain / dauon sol-
che böse frantckhait wirt.

Warumb haben die frawen nitt all gleich die selben
feucht zu einer zeit / Eine inn zunemendem / die ander
in abnemendem mon. Darum das eyne besser natur
vnd narung ist dann die ander / darum leiden sie es on-
gleich. Die alten frawen leiden die feucht in abnemen
dem monat / vnd die jungen in auffnemendem.

Warumb leident sie die selb feucht in abnemen des
mons. Darumb das sie all seint eyner kalten vnd wess-
serigen natur. Nu ist der Mon am letsten vierteyl des
elements / vnd der mon eines kalten influx / welches in
die frawen auch fleust. Es spricht Aristoteles / Das
sie es gemainlich allweg leiden in der selben zeit / vñnd
wa es einer frawen vber die recht zeit außblieb / so fiel
sie in mancherley siechtagen / in onmacht vñnd in den
schlag.

Warumb fleust es nit vor dreizehen jaren. Aristotes-
les spricht. Darum das die frawen kalt seint / vnd die
natur in jnen frantck ist / vnd dasselb nimer verdawen
mag / vnd die selb onsauber materi / samlet vñnd legt
sich in alle glider / in die augen / vnd das hirn. Auch sa-
get Galenus / Die selben frawen gewinnet giftig a-
them / vnd darumb sol man sich huten das sie niemant
anblasen / oder die kinder / wañ sie jnen jr augen vñnd
angesicht vergifften.

Warumb vergifften sie sich selber nitt / so sie giftig
seint. Die gift giffet ir eygen wonung nit. Ein vñ
künd haben wir an der schlangen. Oder darumb / das
sie die frauen der selben gift wol gewonet haben / da
rumb schadet sie jnen nicht. Albertus spricht / Er habe
zu Cöln ein frauen gesehen / die aß alle spinnen die man
zu bracht / vñ waren ir ein gute kost. Aristoteles im
Buch der könig schreibt / Ds ein juncfraw all ir tag
mit gift ward ernert / vñ gesant in Alexandriam de
Keyser / vñ in India dem könig.

Warumb haben die schwangern frauen der feuchte
nit. Aristoteles spricht / Das selb blüt wirt zu milch /
dauon das kindt in mütter leip genert wirt. Hat sie a
ber die feucht / so wers ein zeychen das sie des zu frö ge
leg.

Warumb haben die frauen die feucht die dannoch
milch haben. Aristoteles spricht / Die feucht wirt zu
milch / damit sie ein kindt nert. Nun sprechen die na
türlichen maister / ob sie mit der milch ein kindt neret /
vñ die weil ein anders tregt / so verderbt sie die kinder
alle baid / wañ der narung ist zu wenig zu zweien kind
dern.

Warumb haben etlich frauen die nitt schwanger /
noch darzu kein milch haben / nit die feucht. Aristote
les spricht / Das ist von einem grossen sich tagen / wañ
der vorgenannten tugent der natur austreibung zu
franc ist / Darumb sol man lassen an der ader Sa
phena / die sthat zu nechst bei dem enckel an dem bain /
vñ so die feucht nit haben die gewinnen sie / die aber
haben die feucht / den verstellt es die ader.

Warumb fleußt etlichen schwangern frauen ir feucht
in

De hoc dicit r
EdEor m zoto Ph
quid nonnulli ho
serunt comedo r
loto ubi quohid

in den ersten drei monaten. Aristoteles spricht/darum
das das kindt noch zu jung ist/vnnd mag die narung
inn der mütter nit verzeren/darumb fleußt inn jr die
feuchte.

Warumb fleußt der sam zu einer zeit mer von dē mā
nen dann von der frawen. Aristoteles antwurt/ Des
mannes sam ist nit giftig als der frawen/darum be
heißt er die natur zur berung/sein wirt auch nit so viel
in den mannen als in den frawen.

Warumb gewinnt oft ein fraw ein hinckent kindt/
oder ein kind mit zweien heuptern. Aristoteles vnd an
der natürlich maister sprechen/ Das geschicht von ey
ner gedechtnuß oder bildnuß weil sie beim man ligt/so
sie dann gedencet an den fallenden/vnd an den aufses
zigen/darnach gerhaten dann die kinder/wan die na
tur der selben gedechtnuß jr etwas gleich macht. Als
bertus spricht/ Das eyns mals ein fraw hett gemalet
ob irem betth ein moren/vnd sahe den an inn irer em
pfencknuß/vnd ward schwanger eins moren.

Ob von dem somen des mans das kindlin wirt. Ga
lenus spricht/Es wirt von jnē baiden/ der samen des
mans legt sich in den somen der frawen/ als ein tropff
wasser in ein milch oder kesswasser. Aristoteles vneint
es/vnnd bewert das also/Wie wold die samen beyd zu
samen kōmen/so wirt es geordiniert/das des mans so
men vnd der frawē zu ein kindt wirt/darnach so wirt
des mans somen zu dunst vñ reucht auß durch die düst
löcher.

Warumb ist der frawen somen rotfarb. Es kumpt
von der andern dewung die geschicht in der leber/das
von ist er rotfarb als die leber/vnd er auch nit wol ge

Bewet ist/darumb bleibt er so rotlechter farb.

Warum fleußt die selb feuchtigkeit den frawen. Daz sie kelter natur seint dann die mann/vnd sie nit jr nahrung so wol denen mögen als die man/Darum fleußt es alle monat den gesunden frawen nach dreizehen jahren biß auff die fünfzig jar.

Warumb wirt der selb fluß außgetriben alle monat von den frawen/darumb das giftig ist. Aristoteles spricht/Wan dasselb blüt also warm wirt an einē barme gegossen/der wirt dorren. Des gleichen lecket es aßber ein hundert/so wirt er am dritten tag wüthend.

Warumb ist die selb feucht im winter grösser dan im sommer. Aristoteles spricht/Im Sommer wirt die giftig materi verzert vnd geseubert mit dem schwitzen.

Warumb empfahen die frawē gern nach der feucht. Die natürliche meyster sprechen/Darum das die frawen gereyniget/vnnd wol geschickt zū der empfencknuß. Darumb sol man jr in der feuchte müßig ghan/es gibt sunst außsetzig kinder.

Warumb haben die weiber zur selben zeit klainē lust zū essen vnd zū trincken. Aristoteles spricht/dann zumal arbeyt die natur die feuchte außzutreiben/vn nit auff das essen/darum wan sie essen/so bleibt das essen rohe vnd ongedewt/das ist gar schädlich.

Warumb werden die selb manhaiser die bei den selben frawen schlaffen. Die selben man zihen den giftigen athem von den frawen in die kele/vnd macht sie haiser.

Warumb empfahent die faisten frawen selten. Das die mutter der empfencknuß hell vnd schlüpfferig ist/das der som darin nit bleiben mag. Die selb mutter ist

¶

von jr feiste so eng/das der sam darin gehindert wirt
das er nit hinein kommen mag/ ghat der som aber hinein
ein/das geschieht langsam/also das der some erkaltet
vnd vnfüglich wirt zu der frucht.

Warum empfahen die frauen nit die gar einer hais-
sen natur seint. Darumb das der som in jner steckt vñ
wirt verzert. Zu gleicher weiß/als eyner der ein wenig
wasser in ein groß feur geußt/dann wir wol sehen das
die gar gailen frauen selten empfahen.

Warumb haben die frauen die müter. Auerois ant-
wurt/ Die mutter die einen eygnen standt hat/ ist ge-
setzt mitten in die frauen/als ein priuet mitten inn ei-
ner statt/da alle vn sauberkeit in vnd auß ghat. Als
so fleußt auch in der mutter alle onraine feuchtigkeit
der frauen.

Warumb geberent etlich frauen lang kindlein vnd
kain/ettlich aber kurtz vnd dick. Auerois vnd Gales-
nus sprechen/ Das kindt wirt geschickt nach der schi-
ckung der bermutter/die lang vnd eng ist/ so wirt das
kindt lang vnd klein/ist sie aber kurtz vnd dick/ so wirt
das kindt des gleichen.

Warumb geberen etlich frauen mer kinder mit ein-
ander dan eins. Aristoteles spricht im buch vñ der mē-
schen natur/ In der bermutter seint sieben kēmerlein.
In der rechten seiten drei/darin die knaben empfangen
werden. In der lincken seiten auch drei/ darinn die
maidlin empfangen werden/vnd in der mitten eyns/
da die hermophroditi empfangen werden/ das weder
man noch frauen seint/Wann aber des somens zuvil
ist/also das er sich teylt in drei kēmerlein/ so werden
mer kindt empfangen/vnd dauon mag ein frau nit

mer kind tragen dan sieben/ was jr mer werden das ist
nit natürlich. Trogus schreibt dz in Aegypto auß ein
mütterlichen leip auff ein mal sieben kinder seien gebo
ren worden. Vnd ein weib mit namen Fausta/ hat vff
ein mal vier zwilling gebracht/ schreibt Solinus.

*mulier eo
partu sept
Alia qua
geminor.*

Warumb werden die zwilling nit so starck als ander
lewt/ vnd man sie in den büchern nur halb man haist/
Darum/ der som solt zu ein kneblin sein worden/ so ist
er zu zweien gerhaten/ darumb werden sie nit alt.

Warumb ist es möglich vnder dē zwillingen ein ein
kneblin zu sein/ vñ eins ein meidlin. Der som fellt in dy
rechten seiten sunderlich vnd inn die linck sonderlich.
Ich hab gesehen ein frawen/ die ein knaben vnd maid
lin mit eināder gebat/ vnd lebten baid eyn gute weil/
Doch main ich das es dauon sei/ das des samens zu
vil sei gewesen/ vnd hab sich geteylt von der rechten sei
ten in die lincken der bermütter.

Warumb empfahen die freien frawen selten/ vnd jr
vil nimer mer. Mancherley samen ghat in die mutter
der empfenccknuß/ der macht sie zu feucht das sie dē sa
men nit behalten mag/ also verdirbter.

Warumb empfahent die frawen kneblin. Constans
tinus spricht/ Wan der som fellt vom rechten nieren
in die rechten statt der empfenccknuß/ vnd die selb stat
bitzig ist/ dauon wirt ein kneblin. Albertus spricht/
Wan die recht seit des leips grösser vñ scheinbarlicher
ist dann die linck/ das ist s zeychen eins kneblins.

Wan empfahen die frawen die maidlin/ Wan der sa
men fellt in die lincken seiten der mütter/ die selb statt
ist kalt von des miltz wegen das darbeiligt/ das allwe
gen das feber in dem menschen erweckt.

Warum wann die frau an der rechten seiten beiligt/
so empfacht sie ein kneblin/vñ an der lincken ein meid
lin: Albertus spricht / Der frauen som der da verflo-
sen in die mütter so sie leidet auff der rechten seiten/em-
pfecht ein kneblin.

Cap. xiiij. Von wunder geburten/vnd wies kumpt/das die
kindt das mererteyl den vättern gleich sein /
oder dem großvatter vnd großmutter .

S man eyn mensch der zwey menschliche glieder
hat/ein man oder frauen halten sol: Aristoteles
spricht/Das ist abzunemen/ob eyn glied grösser
wer dann das ander/vñnd mechtiger dan das ander/
darnach sol man sich richten.

Albertus spricht/Er hab gesehen in ein dorff ein kñ
die gewan ein kalb/was halb ein mensch / vñd das an
der halb teylein kalb. Da wolte das volck im dorff den
hirten verbrennen/ aber ein Sternseher fürkam das/
vñd sprach/es wer vom lauff des himels.

Er hab auch ein gans gesehen/die hab zwen leip ge-
habt/die getailt waren/ vñd mit den kregen zusamen
gefügt/hatt zwei haupter/vier flügel/vier füß / vñnd
gieng wahn sie wolt.

Ich hab auch gesehen ein bock/der hett der vorderen
füß nit/vñd gieng auff den hindern zweien füßen.

Er hab auch gehört von warhafftigen leuten / das
sie gesehen ein menschen der hett einen andern auff de
rücken/einer was zornig/der ander gütig / vñd lebten
zwenzig iar/da starb der ein auff dem rücken/der an-
der aber must hindennach auch von des abgestorben
stancs willē auch sterben. Das ghat also zu/wann dar
auf zwilling sollten worden sein/so ist der somen zusa-
men

ant duor
d cham
sentane
in videt

men gelauffen/ vnd die kamer die es scheiden sollt zerbrochen/ vnd so das heutlin das die kinder teylen solle in der mütter zerbrochen/ also werden die samen zůsamen gefügt mit dem rucken/ vnd gewinnen dan zwen rücken oder haupte.

Ob die selben zwei oder ein mensch seien. Aristoteles spricht/ Haben sie zwei hertz/ so seint es zwen menschen/ sunst nit.

Warumb wirt ein mensch ettwan geboren mit einem grossen haupt/ mit sechs fingern an einer handt odder vier fingern. Albertus spricht/ Da ist des samens ettwan zůvil oder zůwenig. Wan sein zůvil so werde sechs finger oder zehen/ Wan aber zůwenig/ so werde der glider auch zůwenig.

Wan on kumpt das die kropffenden kind geboren werden/ des gleichen die hoffreten vnd buckleten. Aristoteles vnd ander natürlich maister sprechen/ Vñ der onordenlichen schickung vñ influx des samens. Auch findet man an ettlichen enden brunnen/ als in Steuer/ marck/ wer der selben wasser trinckt/ der gewinnt eyn kropff.

Warumb seint die kindt der meyste teyl dem vatter mer gleich dann der mütter. Darumb das sie eyn gedechtnuß hat vom vater/ wann er beischlefft.

Warumb werden die kinder ettwan ihren anheren gleich mer dan dem vatter. Aristoteles spricht. In der gedechtnuß das die mütter oft gedent an iren vater vnd mutter die jr lieb seint gewesen/ das kindt schickt sich dann nach dem vatter oder nach der mütter.

Warumb seint die teyl des leichnams ettlich herit/ als bain/ ettlich waich/ als das hirn vnd marck. Aris

¶ iij

Aristoteles spricht/Von den ver elementen wirt der mensche zůsamen gefügt / da ist eins schwerer vñnd herter weder das ander/als das erdtrich/das wasser waich/vom erdtrich das hirn/vom wasser der geyst/das kalt blüt vom lufft/aber die leber vñnd die natürlichen wer me von dem feuer.

Cap. xv. Wie der som in der mutter zům menschen wirt.

Warumb wirt der som in der muter langsam zů einem menschen. Aristoteles vñnd Albertus sprechen. Die ersten sechs tag hat der som ein ggestalt als ein milch. Vñnd die andern sechs tag so wirt er blüt far dick vñnd geliffert/Darnach im zwölfften tag so wirt der som herit/vñ schickt sich in die glieder. Galenus sagt/Im ersten monat so formirt sich der som in ggestalt des blüts. Im andern monat so wirt der leip geschickt Im dritten schickt sich das har vñnd die negel. Im vierten so regt sich dz kindt. Im fünfften schickt sichs nach dem bild seines vaters oder nach seiner mütter. In dē sechsten/so wirt ein eynigung des geeders. Im sieben den so formirt sich das gebain. In dem achten monat so volbringt die natur jr arbeyt/vñnd schickt das kind zům außganc. Im neunnden so wirt das kind geboren von der finsternuß des leichnams an das liecht.

Wie wirt das kindt genert in mütter leib / ob es nicht auch stül gang hab oder brünnel? Aristoteles vñnd andere natürlich maister sprechen/Es bringt nit stül/da rumb das es nit hab die erst derung die ist im magen/wañ sein narüg ghat nit durch den müdt sonder durch den nabel. Aristoteles vñnd andere sagen/Es brünnelt auch nit/sonder die narung schwitzt von im/vñnd der selb brün ist kleyn/wirt mit der geburt außgelassen.

War

Warumb werden die kinder gemainlich geboren inn
dem neunnden monat: Aristoteles vnnnd ander natur
lichmeister sagen: Dañ ist jr eygenschafft gar voln
bracht/vñ so ein güter planet regirt/als Jupiter/der
die böshait verschmecht/der warm vnd heiß/so ist es
güt/Wann aber ein böser Planet/als Saturnus/der
kalt vnd truckē ist/regirt/alle die kindt die da geboren
werden im neunnden monat/die sterben gern/darum
das der Saturnus herrschet/vnd ist ein böser planet/
dem leben widerwertig vnd ein sicherhait des tods.

Wie ghat das kindt von mutterleib. In dem euffen
mal mit dem haupt/vnd gewint es andern außgang/
als mit den füßen/oder mit den henden/so verderbt es
die mütter vnd sich selbs.

Cap. xvj. Von der mißgeburt vnd vom schmerzen
der weiber in der geburt.

Warumb macht das danczen vnnnd das springen/
ringen/vnd die ongeordnet Venus/das die kindt
tracht verdirbt/vnd zu vnrechter zeit bekumpt/
als ettlich böse weiber wol wissent. Aristoteles spricht
Darumb das sich die band des kindt lösen/vnd die na
tur mag das kindt nit lenger gehalten/vnd muß zu vn
rechter zeit von jr getriben werden.

Warumb geschicht auch die vnzeitig geburt von de
schawer. Albertus spricht/Von dem braunen dunst
des schawers/der da ghat durch die klainen dunstlöch
lin in die mutter. Auch erkrumment die jungen fras
wen mer dann die alten/wann ihr leichnam klarer ist/
vnd der böse dunst in sie kompt/vnd ihnen ihre kinder
verderbent.

Warum verderbt die vbrig freud die kindtracht. Aristoteles spricht/Darumb so die fraw in vbrigen freuden ist/so geht die natürlich werme da die freud von kempt in die wasser glider/Also das die tragmüter vñ das kindt aller werme beraubt werden/vnd die kindtracht verdirbt. Auch verderbt die vberig forcht die kindtracht/darumb das die werme zumb hertze laufft/vnd will das hertz stercken/also das die tragmüter on werme bleibt/vnd die kindtracht verdirbt.

Warumb verdirbt die kindtracht gern am ersten/im andern/im dritten monat. Galienus spricht/Die frucht der öpffel oder der biren fallent leichtlich zñ dem ersten mal dweil sie kranc stengel haben/Also zñ gleich er weiß ist das kindt in müter leibe mit kranccken banden vñmfangen/die sich gar leicht zerreißen.

Warumb werden die kindt leicht geboren in dem siebendem/achten oder neundten monat. Galenus sagt Wann die frucht der öpffel zeitig ist/so fallent sie gern ab. Zñ gleicher weiß thut auch die geburt/wañ jr rechte zeit ist.

Warumb wirt mitten in der zeit der gebürt/als im vierden monat/nicht ein verderbung der kindtracht. Darumb das das die natur mer arbeyt zñ eyner starcken zeit.

Warumb hat die fraw mer leidens in zeit der geburt dan zñ andern zeiten. Aristoteles spricht/Darumb dz ettwann die statt zerrütt ist da das kindt außghat/ettwann das kindt so groß ist/vnd dauon stirbt.

Wañ nun die zeit verschiene/das ein fraw geberen sol/als gewonlich geschicht inn neun monaten/so die fraw den vierzig wochen ist naben/nach dem vnd sie

schwanger worden ist/ so erscheinē gewonlich diese zey-
chen. Zum ersten/ die frau entpfindt beschwernuß von
den im leip vnder dem nabel/ vnd im rucken. Zum an-
dern so befindet sie wee in den biegen neben den gemech-
ten. Zum dritten so hat sie groß hitz der beermütter.
Zum vierdten so empfindt die frau in iren gemechtē/
da die bermutter anhebt/ entpfindtliche erbleung vnd
feuchtigkeit. Diß seint die zaichē so die geburt nahet.
So nun die biegen neben den gemechten sich vast er-
blewen so ist es an der zeit der geburt des kindts.

Nun möchte man fragen/ Wie geschicht die gebürt/
oder wie sol man sich darin halten. Solches zu wissen
vnd erfahren/ liß hie von den neuen Albertum Mag-
num durch M. Apollinarem außgangen.

Cap. xvij. Von den frauen die jr zeit nit haben. Al. Mag.

Sola vnd myrrha send mit rosenwasser/ oben ver-
macht/ das der dampff dauon nitt riechen mög/
laß sieben stunden sthan/ darnach bereuch vñ be-
hesich die frau darüber/ von vnden auff so warm sie
es erleiden mag.

Oder sied Wermüt vñ rauten in wein/ thū fünff
pfeffer körner darin/ gibß ihr zu trincken.

Wann ein frau vor winden jr zeit nit haben kann.
So vertreibs mit fenchelsamen/ rauten vnd Till.

So ein frau ihr zeit zu vil hat/ nimb wegbrait mitt
wurzeln vñ blettern/ legs in regenwasser/ gibß der
frauen/ es stillts von stundt an.

Weckholter beer vñ rinden stoß/ gibß jr in wein zu
trincken.

Weckholter gessen/ hilfft auch wol darzu.

Bren laubfrösch zu eschen/ henckts der frauen in ey-
nem secklin an halß.

Cap. xviii. So frawen schwanger vnd geberen sollen.

Wie ein kindt in mutter leib erneert
wirt.

DIE brüst der frawen (nach der mainung Ipo-
cras) haben eyn gemeynschafft mitt dem secklin/
Secundina / darin das kindt in mütterleib ligt/
durch ein aderlein das von den brüsten dem kinde bis
an den nabel ghat / dadurch die milch der frawen von
den brüsten dem kind zur narung kommen mag / das
mit das es erneret wirt in mutter leib.

Darumb soll man keyn fraw lassen grosse odder ons-
zimliche arbeyt thun. Sie sollen auch nichts schwer-
lich / oder auff das haupt heben / dann gar liderliche n
wirt dem kind das aderlin entzogen / so ist es auß mitt
dem kind.

Deß gleichen sol mann sie nit so hart halten / noch er-
schrecken / damit sie vmb die kinder koshmen.

Zuerkennen ob ein kindt in mutter leib krank oder
gesundt. Wann der frawen brüst vil milch gebē / ist ein
zeychen / das das in mütterleib schwach ist / dann daus
sich das kindt erneren solt / ghat zu den brüsten auß / zey-
get andas dem kind das aderlin entzuckt / darvon im
narung werden solt / das ghat zu den brüsten auß / oder dz
das kindt sunst krank.

Wan aber der frawen jr brüst herit / vnd kein milch
von jr ghat / bedeut das kindt frisch vnnnd gesundt inn
mütterleib.

So das belglin darinn das kindt gelegen (gebürtlin
genant) nit von der muter wil / so gib jr gepuluert Al-
gathes in ein tranck zutrincen.

Nach

Nach ein dampff von hāner federn/laß sie drob sitz
en/das der dampff zu ihr gang.

Abwegerich getruncken/treibt die böse materi von
der frawen.

So ein fraw nit sey gen mag.

Sie soll nit new bier vnd keinen neuen wein trincken.

Fenchel samen in milch abents ingenommen.

Über polai kraut getruncken/gibt vil mich.

Münz kraut frū gessen/spricht Wacer/ist auch gut
den seygenden frawen.

Das ein fraw leichtlich geber.

Bind jr an die linck hüfft bilsen kraut wurtz/also dz
du den knopff balt wider auff ziehest wenn sie genesen/
vnd die wurtzel hinweg werffest.

Ein anders dar zu.

Zertreib lorber bletter/legs auff den nabel.

Ein löffel vol honigs vnd zween löffel wassers mi
sche vnder einander/gibs jr in kindts nöten zetrinckē
Dergleichen gestossen mirthen in wein getruncken.
Fenum grecum mit honig gemischt.

Einer andern frawen milch mit beifuß ober den na
bel gebunden.

Oder setz die bain in aschenwasser.

Das geblüt nach der geburt von einer frawen zetrei
ben. Stoß capaunen hirnschal zu puluer/geb es jr zū
trincken.

Von tausent Gulden/wurtzel vnd kraut/getrunck
en/treibt einer fünffzig jerigen frawen ihren blümen
vnd krankheit.

Oder thu mirthen in einen apffel/den geb der fraw
en zūessen.

f ij

Todt frucht vnd anders abtreiben.
Weckholter bletter mit wasser vnd honig gekocht/ge-
nommen.

Oder trinck einer andern frawen milch mit öl.

Der stain Jaspis treibt auch auß.

Gestossen myrrhen in wein getruncken.

Ein fraw nach der geburt zürainigen. Gestossen lin-
samen mit vurnem wein gesotten vnd getruncken.

So einer frawen ein kindt vor der zeit abghat/ Soll
man jr ein lebendigen zerstoßen krebs inn altem wein
getrincken geben.

End diß Büchlins.



Register diß Buchß.

- Cap. i. Vom haupt vnd har der menschen.
Cap. ii. Von der nasen vnd augen.
Cap. iii. Von den Oren.
Cap. iiii. Vom munde/leffzen vnd zenen.
Cap. v. Von der zungen/vnd speichel/ stinckendem a-
them/vnd haisere der stimmen.
Cap. vi. Von den fischen vnd vögeln mit kurtzen vnd
langen helsen.
Cap. vii. Von den armen/lincken vnd rechten hende.
Cap. viii. Von der brust an mañen vnd weibern/auch
von der weiber milch/sampt andern zaichen der em-
pfendnuß.
Cap. ix. Von lung/bercz vnd magen in allen thierern.
Cap. x. Wie man sich mit dem essen vnd trincken hal-
ten sol.
Cap. xi. Vom blüt/harn vnd gelecht.
Cap. xii. Wie schedlich oder gesundt Venus sei.
Cap. xiii. Vom somen/vnd der frawen zeit menstrui-
um genant.
Cap. xiiii. Von wundergeburten/vnd wies kompt/das
die kind das merer teyl den vettern gleich sein/odder
dem großvatter vnd mutter.
Cap. xv. Wie der som in der müter züm menschen wer-
de/vnd seiner geburt.
Cap. xvi. Von der mißgeburte/vnd schmerzzen der wei-
ber in der geburt.
Cap. xvii. Von den frawen die ihr zeit nit haben Alber-
tus Magnus.
Cap. xviii. So frawen schwanger vnd geberen sollen.

f. iij



